

disfratribus delegauimus, Metropolitanis per literas eius admonitis, celebratur.] Sed quid clarius verbis modo ex Symmacho & Gregorio magno citatis? Sane hæc legenti nulla dubitatio esse potest, quin Arelatensis Episcopus Primatis & Vicarij sanctæ Sedis per Gallias auctoritatem rursus obtinuerit. Et hæc de Arelato satis, quæ si longiora videantur, rationem habet, quod multis vix suaderi possit huius ciuitatis Ecclesiastica dignitas, quæ tamen ad antiquitatis cognitionem non parui momenti est.

Sequitur Augusta Treuerorum, quæ primaria vrbis Galliarum dicitur apud Theodoretum*, vbi de Paulino Treuerensi, de quo tanquam præcipuo Galliarum Episcopo sermonem facit: [Huius ciuitatis, inquit, Aeneas^b Syluius postea Pius secundus Romanus Pontifex, conditorem asserunt Trebetam (qui alijs Treber) Nini & Semiramidis filium, proindeque illam Roma seniore trecentis & mille annis affirmant.] Idem quoque testari videtur monumentum insigne Epitaphiumque in lapide sculptum, quod circa annum Domini 1200. repertum, sic habet.

*Non contenta suis, nec totis finibus orbis,
Expulit à patrio priuignum Trebeta regno,
Insignem profugus nostram qui condidit urbem.*

Verum quod adhuc Constantio imperante primaria ciuitas Galliarum fuerit discere est ex Notitia Græca huius ætate facta, cuius verba sunt. [Ciuitatem maximam habere dicitur Gallia, quæ vocatur Triueris, vbi etiam Imperator morari dicitur, eaque mediterranea est.] Nec minoris sunt fidei, quæ gestorum Brunonis octogesimi Treuerorum Episcopi scriptor perhibet his verbis: [Sanctus Syluester beato Agritio quarto Episcoporum Treuerensium, quorum nomina cognita sunt, & habemus, scribit inter cætera, dicens:

*Summe prioratum post Alpes Trebir ubique,
Quem tibi Roma noua lege dat (E) veteri.*

Quod apud eam aliquando morati sunt Imperatores, præter Notitiæ modo laudatæ testimonium, legere est apud^d Athanasium & ^e Socratem, Constantinum Constantini magni filium hic primò mansisse. Postea Constantem eius fratrem ibi etià degisse anno Domini 343. dicitur in Codice Theodosiano. Narratque Sigebertus^f Maximum Imperatorem apud Treuerim sedem imperij sui statuisse. Vnde & appellatur domicilium principum clarum ab Ammiano^h Marcellino. Hanc porro à Vandalis grassantibus, temporibus Imperatoris Honorij, captam, direptam, ruinis que deformatam, rerum Germanicarum scriptores tradunt: additurque in gestis Treuerorum, ciuium partem in vrbis amphitheatro, quod munitum infederant, hostilem vim euasisse. [Franci etiam, inquit^k Sigebertus, sæpe Gallias incessentes diripiunt primò, & secunda irruptione incendunt urbem Treuerim, quam condidit Treber filius Nini.] Non longe post tamen restaurata est, vt docet idem Sigebertus^l dum ait: [Franci, post Vandalos & Alanos, post Gothos & Hunnos incessunt Gallias, non tantum vt eas habeant direptioni, sed vt sibi sint perpetuæ habitationi: qui capta Colonia Agrippina fugato belli duce Egidio, multos Romanorum occidunt.] & infra^m [Franci Treuerim ciuitatem super Mosellam capiunt.]

Iam verò quod primis sæculis Metropolis Ecclesiastica fuerit, præter Theodoretum qui hanc primariā Galliarum urbem nominat, vt iam diximus, clare dignoscitur in actis Cōcilijⁿ Agrippinensis, quo Euphratas Episcopus ab-

IX.
AVGVSTA TRE-
VERORVM ME-
TROPOLIS, POS-
TEA SEDES PRI-
MATIS TOTIVS
BELGICÆ.
a Theodoret Eccl.
hist lib. 2. cap. 15.
b Aeneas Sylu. Ger-
man. c. 11.

c Ex antiqua Noti-
tia Græca tempore
Constantij Imp.
facta.

d Athanas. Apol. 2.
e Socrat. lib. 2. hist.
Eccl. c. 22.

f Cod. Theod. l.
36 de Decurioni-
bus.
g Sigebertus anno
Christi 386.

h Ammian. Marcel.
lib. 15.

i Gesta Treuer. lib.
2. cap. 12.

k Sigebertus anno
Christi 413.

l Idem anno 475.

m Idem anno 476.

n Acta Concil. A-
grippin.